

quus, quem Dóminus Jesus interficiet spírítu oris sui, & déstruet illustratióne advéntus sui.

DOMINICA IV.
Advéntus.

Léctio Epístolæ Beati Pauli Apóstoli ad Corínthios.

1. Cor.
rint. 3.

FRatres, Sic nos existimet homo ut ministros Christi, & dispensatóres mysteriórum Dei. Hic jam quæritur inter dispensatóres, ut fidélis quis inveniátur. Mihi autem pro mínimo est ut à vobis júdicer, aut ab humano die: sed neque meípsum júdico. Nihil enim mihi cóncius sum: sed non in hoc justificátus sum: qui autem júdicat me, Dóminus est. Itaque nolite ante tem-

pus judicâre, quoadúsque véniat Dóminus: qui & illuminâbit abscondita tenebrârum, & manifestâbit consília córdium: & tunc laus erit unicuique à Deo.

IN VIGILIA
Nativitatis Dómini.

Léctio Epístolæ B. Pauli Apóstoli ad Românos.

Rom.
1.

PAulus, servus Jesu Christi, vocátus Apóstolus, segregátus in Evángélium Dei, quod antè promísset per Prophétas suos in Scriptúris sanctis de Fílio suo, qui factus est ei ex sémine David secúndum carnem, qui prædestinátus est Fílius Dei in virtúte secúndum spíritum sanctificatiónis ex resurrectione mortuórum Jesu Christi Dómini nos-

IN NATIVITATE
DOMINI.

AD PRIMAM AD SECUNDAM
Missam in nocte. Missam in auróra.

Léctio Epístolæ B. Pauli Apóstoli ad Titum.

Tit. 2.

CHaríssime, Appáruit grátia Dei Salvatóris nostri omnibus homínibus, erúdiens nos, ut abnegátes impietátem & sæculária desidéria, sóbriè & justè & piè vivámus in hoc sæculo, expectántes beátam spem, & advéntum glóriæ magni Dei & Salvatóris nostri Jesu Christi. qui dedit semetípsum pro nobis, ut nos redimeret ab omni iniquitáte, & mundáret sibi pópulum acceptábilem, sectatórem bonórum óperum. Hæc lóquere, & exhortâre: in Christo Jesu Dómino nostro.

Léctio Epístolæ Beati Pauli Apóstoli ad Titum.

Tit. 3.
b.

CHaríssime, Appáruit benignitas & humanitas Salvatóris nostri Dei; non ex opéribus justitiæ quæ fécimus nos, sed secúndum suam misericórdiam salvos nos fecit, per lavácrum regeneratiónis & renovatiónis Spíritus Sancti, quem effúdit in nos abúndè per Jesum Christum Salvatórem nostrum: ut justificáti grátia ipsius, hærédes simus secúndum spem vitæ æternæ: in Christo Jesu Domino nostro.

AD TERTIAM
Missam in die Nativitatis
Dómini.

Lectio Epistolæ Beati
Pauli Apóstoli ad
Hebræos.

Hebr.
1.

Multifariam, multisque modis olim Deus loquens patribus in Prophetis: novissimè dièbus istis locutus est nobis in Filio, quem constituit hæredem universorum, per quem fecit & sæcula. Qui cum sit splendor gloriæ, & figura substantiæ eius, portansque omnia verbo virtutis suæ, purgationem peccatorum faciens, sedet ad dexteram majestatis in excelsis: tantò melior Angelis effectus, quantò differentius præ illis nomen hæreditavit. Cui enim dixit aliquando Angelorum: Filius meus

es tu, ego hodiè genui te? Et rursum: Ego ero illi in patrem, & ipse erit mihi in filium? Et cum iterum introducit primogenitum in orbem terræ, dicit: Et adorent eum omnes Angeli Dei. Et ad Angelos quidem dicit: Qui facit Angelos suos spiritus; & ministros suos flammam ignis. Ad filium autem: Thronus tuus Deus in sæculum sæculi: virga æquitatis, virga regni tui. Dilexisti justitiam, & odisti iniquitatem: propterea unxit te Deus, Deus tuus oleo exultationis præ participibus tuis. Et: Tu in principio Dómine terram fundasti: & opera manuum tuarum sunt cæli. Ipsi peribunt, tu autem permanebis: & omnes ut vestimentum veterascent: & velut amictum mutabis eos, & mu-

ta-

tabuntur: tu autem idem ipse es, & anni tui non deficient.

IN FESTO SANCTI
Stéphani Protomartyris.

Lectio Actuum Apostolorum.

Act. 6.
b.

In dièbus illis: Stéphaneus plenus gratia & fortitudine, faciebat prodigia & signa magna in populo. Surrexerunt autem quidam de synagoga, quæ appellatur Libertinorum, & Cyrenensium, & Alexandrinorum, & eorum qui erant à Cilicia, & Asia, disputantes cum Stéphano: & non poterant resistere sapientiæ & spiritui, qui loquebatur. Audièntes autem hæc dissecabantur cordibus suis, & stridèbant dentibus in eum. Cum autem

esset Stéphaneus plenus Spiritu Sancto, intendens in cælum, vidit gloriàm Dei, & Jesum stantem à dextris Dei. Et ait: Ecce video cælos apertos, & Filium hominis stantem à dextris Dei. Exclamantes autem voce magna, continuèrunt aures suas, & impetum fecerunt unanimiter in eum. Et ejicientes eum extra civitatem, lapidabant: & testes deposuerunt vestimenta sua secus pedes adolescentis, qui vocabatur Saulus. Et lapidabant Stéphaneum invocantem, & dicentem: Dómine Jesu suscipe spiritum meum. Pòsitis autem genibus, clamavit voce magna, dicens: Dómine ne státuas illis hoc peccatum. Et cum hoc dixisset, obdormivit in Dómino.

IN

IN FESTO SANCTI IN FESTO SANCT.

Joannis Apóstoli &
Evangelistæ.

Lectio libri Sapientiae.

Eccl.
15.

Qui timet Deum, faciet bona: & qui continens est justitiae, apprehendet illam, & obviabit illi quasi mater honorificata. Cibabit illum pane vitae & intellectus, & aqua sapientiae salutaris potabit illum: & firmabitur in illo, & non flectetur: & continet illum, & non confundetur: & exaltabit illum apud proximos suos, & in medio Ecclesiae aperiet os ejus, & adimplebit illum spiritu sapientiae & intellectus, & stola gloriae vestiet illum. Jucunditatem & exultationem thesaurizabit super illum, & nomine aeterno haereditabit illum, Dominus Deus noster.

Innocentium.

Lectio libri Apocalyp-
sis Beati Joannis
Apóstoli.Apo.
14.

IN diebus illis: Vidi supra montem Sion Agnum stantem, & cum eo centum quadraginta quatuor millia habentes nomen ejus, & nomen Patris ejus scriptum in frontibus suis. Et audivi vocem de caelo, tamquam vocem aquarum multarum, & tamquam vocem tonitruum magni: & vocem quam audivi, sicut citharodorum citharizantium in citharis suis. Et cantabant quasi canticum novum ante sedem, & ante quatuor animalia & seniores: & nemo poterat dicere canticum, nisi illa centum quadraginta quatuor millia, qui empti

sunt

sunt de terra. Hi sunt, qui cum mulieribus non sunt coinquinati: virgines enim sunt. Hi sequuntur Agnum quocumque ierit. Hi empti sunt ex hominibus primitiae Deo & Agno: & in ore eorum non est inventum mendacium: sine macula enim sunt ante thronum Dei.

IN FESTO SANCTI
Thomae Episcopi &
Martyris.Lectio Epistolae Beati
Pauli Apóstoli ad
Hebraeos.Heb.
5.

FRatres, Omnis Pontifex ex hominibus assumptus, pro hominibus constituitur in iis quae sunt ad Deum, ut offerat dona & sacrificia pro peccatis: qui condolare possit iis,

qui ignorant & errant: quoniam & ipse circumdatus est infirmitate: & propterea debet, quemadmodum pro populo, ita etiam & pro semetipso offerre pro peccatis. Nec quisquam sumit sibi honorem, sed qui vocatur a Deo tamquam Aaron. Sic & Christus non semetipsum clarificavit ut Pontifex fieret: sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es sacerdos in aeternum, secundum ordinem Melchisedech.

DO-